

示冰玄珠

五

漢	書	門
類	號	三
函	二	四
架	六	四
冊	四	四

內	閣	文	庫
漢	書	類	號
函	冊	架	冊
號	冊	架	冊

內閣文庫			
番號	漢	12463	
冊數	44	(6)
函號	301	90	





大學東
校典藉
局之印

赤水玄珠第五卷目錄

腹痛門 腹痛 水鳴 小腹痛

脇痛門 脇痛

心痛門 心痛 胸滿 胸痛 胸痺 蟲痛

嘔吐噦門 嘔吐噦 胃風 惡心 嘔苦水

嘔沫 嘔膿 嘔長虫 酒嘔 嘔清水

腰痛門 腰痛

國立公文書館
藏書印

熱痛者時痛而或時吐也得熱物而痛止者蓋辛
熱能沖開鬱結氣道疎通暫得少愈而陰血日
虧燥火愈熾不久復發遷延歲月此為積熱輕
者以山梔黃連白芍香附之類重者調胃承氣
湯下之

虛痛者以手重按至痛處而止者是也宜參朮白
芍加溫煖藥

實痛者手不可近按之愈痛或消或下詳症施治
飲食所傷作痛者宜溫脾行氣以消導之蓋飲食

得寒則滯得熱則化若痛漸下及日久不愈者
宜推蕩之詳見內傷飲食門

痰痛者必小便不利痰隔中焦氣閉下焦上下不
相流通故痛治當導痰開鬱又伏飲作痛者
或吐或下視形氣何如當與痰飲門相參治
虫痛者面上有白斑點唇舌塗硃痛後便能食時
作時止詳見虫門
食積死血痛者痛有常處而不移動者是也宜按
治

腹中水鳴

丹溪曰腹中水鳴乃火擊動其水也蓋水欲下火欲上相觸而然用二陳湯加苓連施子亦有臍寒而水聲汨者宜分三陰部分而治中脘太陰當臍少陰小腹厥陰各從其宜溫之又有腸胃空虛而鳴者宜參朮之類補之腹中水鳴而痛亦有因于火因于鬱者生生子曰觀丹溪治腹痛無定方蓋欲使人認病自擇且方者隅也隅于一則不能圓活而貫通

是以後人有守死方之謂

凡臍下痛而人中黑者多死

○感暑而痛或泄痢併作其脉必虛宜十味香薷

飲或六和湯

感濕而痛大便溏泄小便不利其脉必濡宜胃苓

湯

食積痛常欲大便去後而痛減者是也宜溫宜消

久者遇仙丹神芎丸等擇而下之當與傷食門相參治

氣滯而痛其脉必沉宜木香順氣散

死血痛、有常處宜桃仁承氣湯

痛而欲得熱手按及熱物熨者是寒宜香砂理中

湯或五積散

痛而熱手熱物熨不止者是熱宜黃連解毒之類

實則以硝黃下之

絞腸沙痛極是急速先與鹽湯探吐或委中并十

指出血藿香正氣散正氣天香散

酒積痛 酒傷則發宜泄其積痛自止也

多年敗白螺殼煨存性加三倍于木香檳榔丸

中更加山茵陳等分衆藥中其効甚速

禦痛湯 治火痛

黃連煨汁 山梔仁炒 橘紅 茯苓銹半

草薢仁分 半夏錢 甘草分 姜三片食前服

星半安中湯 痰積作痛

南星 半夏銹半 滑石 香附 枳殼 青皮

木香 山梔仁炒 蒼朮 砂仁 茯苓 橘紅

木銹 甘草分 生姜四片煎服

氣攻痛者去南星滑石加厚朴玄胡索各一錢

赤水玄珠
痰甚者加白螺壳烧灰一錢臨服調下

木香順氣散 氣滯腹痛

木香 香附 檳榔 青皮 陳皮 厚朴

蒼朮 枳壳 炒砂仁 甘草 姜三片煎服

香砂理中湯 即理中湯加藿香砂仁

小腹痛

傷寒家蓄血在下焦宜抵當桃仁承氣之類若因
氣鬱而痛以青皮主之寒者以桂枝吳茱萸温
之若因疝奔豚癥聚者又當循各門施治

苦練丸 治奔豚小腹痛寒也

苦練 茴香 大附子 三味酒煮焙乾末之

每兩入玄胡末半兩全蝎炒丁香各十八箇

為末酒糊丸梧子大每食前温酒下五十九

酒煮當歸丸 治小腹痛及疝

當歸 兩 茴香 兩半 附子 錢七 良姜 錢七 四味酒煮乾

再焙加後藥 鹽 炒 丁香 各半 全蝎 錢二

柴胡 升麻 木香 各一 苦練 分五 甘草 條五 玄

胡索 錢四 為末酒煮糊丸梧子大每食前温酒下

小腸癰作痛者其身甲錯腹皮急按之濡如腫狀
腹常痛或逸臍生瘡急宜下之或以雲母膏太
乙膏為丸服之自愈

西漢書曰... 凡小腸癰者... 宜下之... 或以雲母膏太乙膏為丸服之自愈

脇痛門

有風寒脉浮弦而有食積脉沉弦而有痰飲或弦

或結或促有死血脉瀦有虛或脉大而無細數有氣鬱脉沉

有火脉洪滑當分條類析明別左右施治

經曰左右者陰陽之道路氣之所終始也又曰肝

木氣實則脇痛肝氣實則怒夫謂實者指邪氣

而言經曰邪氣盛則實是也

脇痛屬肝木及胆火木氣實者以柴胡川芎青皮

蒼朮疎之肝火盛者以當歸龍會丸瀉之死血

積者以桃仁紅花香附川芎破之痰飲流注者
以南星半夏蒼朮川芎謫之鬱宜開鬱寒宜散
寒以大法也

兩脇走痛是痰實者可用控涎丹方見痰飲門
左脇痛為肝經受邪宜枳芎散或柴胡疎肝散
右脇痛為肝經移病于肺宜推氣散
食積痛凡痛有一條扛起者是也當于積塊門
氣弱人脇痛脉細緊或弦多從勞役怒氣得者八
物湯加木香青皮

肥白人氣虛發寒熱而脇下痛用參芪補氣柴胡
黃芩退熱木香青皮調氣

瘦人發寒熱脇痛多怒者必有瘀血宜桃仁紅花
柴胡青皮大黃滑石

去滯氣必用青皮乃肝胆二經之藥若二經血不
足者先當補血少加青皮可也
脇痛發寒熱似覺有積塊必從飲食太飽勞力所
致必用龍會丸
痰飲停伏脇痛宜導痰湯

脇下痛而大便秘結者木香檳榔丸或龍會丸
 亦有虛寒而作痛者一人脇痛連膈服氣藥不效
 後用辛熱補劑下黑鉛丹而愈
 鮮痛外以琥珀膏貼之或以白芥子水研敷之或
 吳茱萸醋研敷之韭菜炒熨亦佳

當歸龍會丸 肝木實火兩脇痛之要藥

當歸 龍胆草 山梔 黃連 黃芩 各一兩半

蘆會 大黃 酒煨各 木香 一錢 黃栢 兩 青皮 兩

柴胡 射香 許少 右末 神麴糊丸 梧子 大每姜湯下三五十九

枳芎散 左脇痛

枳實 炒 芎藭 各五錢 炙甘草 錢半

為末每二三錢姜棗湯或酒調下

推氣散 右脇痛

片姜黃 枳殼 炒 桂心 各五錢 炙甘草 三錢

為末每服二錢姜湯調下

鷄鳴散 跌撲損傷瘀血停積脇內日久作痛

復元活血湯 從高墜下惡血流于脇下疼痛不

可忍 二方見跌撲門

柴胡瀉肝湯 鬱怒傷肝左脇痛

柴胡二錢 甘草五錢 青皮 芍藥各一錢 黃連炒

山梔炒 龍膽草各八分 川歸二錢 水煎服

死血作痛瘦人多怒者常患此

桃仁九 紅花 川芎 柴胡 青皮各分 芍藥

香附銖 歸尾乙 水煎服

治脇下氣痛神方

小茴香炒 枳殼炒 為末每二錢鹽湯調下

心痛門

真心痛者手足青至節旦發夕死夕發旦死寒邪

傷其君主也今之治例皆非真心痛也以其在

心之部位而名或心之脈絡或手心主之脈絡

或胃脘或胸膈或食傷或寒傷或氣逆或痰飲

或死血或虫或鬱火皆致痛也

鍼經曰足太陰之脈其支者復從胃別上膈注心

中是動則病舌本強食則嘔胃脘痛腹脹善噫

心下急痛 胃病者腹腹脹胃脘當心而痛上

支兩脇咽高不通 脉經曰憂愁思慮則傷心
 傷心則苦驚喜忘善怒心傷者其人勞倦即頭
 面赤而下重心中痛徹背其脉弦此心臟傷所
 致也 諸虫痛者如心腹痛懊懷發作腫聚往
 來上下行痛有林作心腹中熱善渴涎出面色
 乍青乍白赤嘔吐清水者蛇也
 病機要曰有大實而心中痛者因氣而食卒然
 發痛大便或秘久而心胸高起按之至痛不能
 飲食急以煮黃丸利之利後以藁本湯去其邪

也有寒厥心痛者手足逆而通身冷汗出便溺
 清利或太便利而不渴氣微力弱急以木附湯
 溫之寒厥暴痛非久病也朝發暮死急當救之
 是知久病無寒暴病非熱也
 陳無擇云若諸經心痛心與背相引心痛徹背皆
 痛徹心若諸府心痛難以俛仰小腹上冲卒不
 知入嘔吐泄瀉此皆外感內淫則其氣閉塞鬱
 于中焦氣邪爭發為疼痛又曰九種心痛曰飲
 曰食曰風曰冷曰熱曰悸曰虫曰疰曰去來痛

者除風熱冷屬外所因餘皆不內外更婦人惡
血入心脾經發作疼痛尤甚于諸痛更有卒中
客忤鬼擊尸疰使入心痛亦屬不內外因在人
以意推究施治

丹溪云凡心膈之痛須分新久若明知身受寒氣
口食寒物而病于初得之時當用溫散或溫利
之藥若其病得之稍久則成鬱矣鬱則蒸熨熱
久必生火原病式中備言之矣若欲行溫散溫
利寧無助火添病即由是古方多以山梔為君

加熱藥為嚮導則邪易伏病易退然向安之後
若縱恣口味病必復作凡治此病必要先問平
日起居何如假如心痛有因平日喜食熱物以
致死血留于胃口作痛者用桃仁承氣湯下之

治寒之劑

金匱赤石脂丸 心痛徹背痛徹心此寒厥痛
烏頭三錢 附子炮五錢 蜀椒 乾姜 赤石脂各
右末蜜丸梧子大食後白湯下一丸日三服
木附湯 寒厥暴痛脉微氣弱

甘草兩 白木兩 附子半兩 每三錢姜蜜煎

立應散 寒痛氣痛腹痛皆効

良姜 香附 各炒 為末 白湯調下 二錢

二姜丸 卷脾溫胃去冷消痰治心脾痛寬胸下

氣進飲食一切冷物所傷並皆治之

乾姜炮 良姜 等分為末 麩糊丸 梧子大 每服

十五丸至二十九丸 食後陳皮湯下 妊婦人

不宜服此皆溫中之藥也

○散寒之劑

麻黃桂枝湯 外因心痛惡寒發熱內攻五臟拘

急不得轉側 麻黃 桂心 芍藥 細辛

乾姜 甘草 各錢 半夏 香附 各錢 五 每服五

錢姜 五水煎 食前服 大便秘入大黃 量減實

一人心痛諸藥不効服此而愈

檳榔 桂心 葛根 甘草 減 細辛 半夏

桔梗 枳殼 川芎 防風 等分水煎服

草豆蔻丸 客寒犯胃

草豆蔻 半 煨 吳茱萸 炮 益智仁 甘姜 蚕 炒 當歸

身 青皮分神曲 姜黃分四 甘草分桃仁個

半夏一錢澤瀉一錢利小便 麥芽錢半 炙甘草分

柴胡四分詳之脇痛 人參 黃芪 陳皮

右除桃仁另研如泥外為極細末同研勻湯

浸蒸餅為丸梧子大每二十九熱湯下服遠

治心痛

荔枝核燒存性為末醋湯下二錢

內傷飲食之劑

煮黃丸 治飲食過多心腹脹滿脇肋走氣痠痺

椎黃研一兩 巴豆五錢去皮入白麵二兩同研分

滴水丸梧子大滾水煮十二丸瀉入冷水內

令沉冷每用時用浸藥冷水下二九一日十

二時盡十二九以利為度不必盡劑

藁本湯 治太實心痛大便已利宜以此徹其痛

藁本兩蒼木兩 水煎溫服

飲食在膈上未入胃者宜吐之經曰在上者因而

越之如瓜蒂散之類

五疝氣痛之劑

正氣天香散但忍氣則發

七氣湯

蘓子降氣湯見氣門

治痰飲痛劑

丹溪方 痰飲停積胃脘作痛

螺螄殼牆上煨者滑石炒蒼朮

山梔 香附

南星略枳殼 青皮 木香 半夏 砂仁各錢

右末生姜汁浸餗餅為丸葦豆大每三四十

丸姜湯下春加川芎夏加黃連冬加吳茱萸半兩

又方 治痰心痛

半夏油炒為末每服二錢姜湯下痛甚者太

陷胸湯或為丸亦同

治死血痛劑

丹溪方 治死血胃脘痛者

玄胡索半兩桂 滑石 紅花 紅麴各五錢

桃仁個三十 右末湯浸餗餅糊為丸

桃仁承氣湯 方見傷寒門

斗門方 血氣攻心痛不可忍

蓼根剉酒浸服之瘥

治火鬱之劑

丹溪方 治火痛

黃連 山梔炒各二錢 陳皮 茯苓 錢各半 半夏錢一

草豆蔻分七 甘草分四 姜三片 水煎 食前服

又方 治火痛

山梔仁姜汁炒 水煎 磨木香分三 或加川芎錢二

雜方 牡蠣煨 為末 每二錢 酒調下

失笑散 有人心痛百藥不効 用此而愈

五靈脂 蒲黃 等分為極細末 以醋調二錢

熬成膏 入水一盞 食前溫服 有瘀血作痛 加

玄胡沒藥 螺螄殼 陳年日火者 治心痛 洗淨

為末 熱酒調下 一錢半

乾漆丸 九種心痛 腹脇積聚滯氣

乾漆二兩 搗碎 炒去烟 細研 醋煮 麵糊丸 梧子

大每服十五丸 至十七丸 熱酒下 醋湯亦好

不拘時 日進二服

蚕沙散 男婦心氣痛不可忍

晚蚕沙 砂不拘 為末 用滾水泡過 瀝淨 取清水服

慰法 治心腹俱痛 以包川椒 薄注腹上 火慰之

椒汗出良

梅硫丸 酸熱以收散寒凡服辛劑及其者改服

冰梅 去核生硫黃 為末相和搗勻以可丸為

度作一丸白湯下立愈病不再作

濟世方 治心痛

稀菴草搗汁醋汁相和服立效昔有人服此吐

虫二條然身不發

綠礬止痛方 綠礬七八分好酒化下再不發

衍義方 治心痛

銅青下味淡醋湯服小服之

治虫之劑 可與虫部參治

化虫丸 霍虱 檳榔 胡粉炒 苦練根 去厚皮各

白礬 飛十兩 為末 麩糊丸 桐子大小兒瘵病多

有諸虫或因臟腑虛弱而動或因食甘肥而

動即腹中疼痛往來上下攻心痛則哭不

寐合眼仰身撲手心神悶亂嘔噦涎沫或吐

土 清水四肢羸困面青黃色飲食雖進不生肌

肉或寒或熱沉黙不明知病處一歲五

九温水下入香油一二點打勻下之其米飲亦得
生生子曰已上論寒熱痰氣虫痛火食等痛治法
皆已備矣但病久正氣虛損及稟賦素弱之人
或被峻利伐太過以致羸弱而痛不愈者皆虛
痛也當從補養氣血此根本之治不可全恃攻
克以致虛之禍予嘗治干病壞之後
黃芪建中湯隨症加減治虛弱及被克伐損傷
局方蘓合丸治疰忤鬼氣卒心痛甚妙
山梔并劫藥止之不效者玄明粉一服立止

胸滿胸痛胸痺
肝虛則胸痛引背脇實則胸痛不能轉側喜太息
仲景曰肝中寒者兩臂不舉舌本燥喜太息胸
中痛不得轉側食則吐而出汗也肝著其人常
欲踏其胸上先未苦時但欲飲熱旋覆花湯
素問曰陽明所謂胸痛少氣者水氣在臟腑也水
一者陰氣也陰氣在內故胸痛少氣也
仲景治胸痺之病喘息咳唾胸背短氣寸口脈沉
而遲關上小緊數者宜以瓜蒌薤白白酒湯

大瓜蒌一個搗碎半斤薤白半斤白酒七升

三味同煮取二升分溫再服

一婦人患曾中痞急不得喘息按之則痛脉數且

瀦此胸痺也因與小陷胸湯二劑而愈

支飲胸滿者枳朴大黃湯主之

厚朴兩大黃兩枳實兩

水五升煮取二升分溫再服

斗門方治胃腹壅滯去痰開胃

半夏泡淨焙乾為末生姜自然汁和為餅子用

溫紙包于慢火中煨令香熟水一盞用餅子

一塊如彈子大入鹽半錢煎取一盞溫服大

能去胸膈壅逆大壓痰毒及治酒食所傷其

功效大矣

一人年二十三歲膈有一點相引痛吸氣皮覺急

此有汚血也滑石兩桃仁五錢黃連五錢枳殼兩

甘草二錢為末每服一錢半以蘿蔔自然汁

煎熟飲之一日五六服

一人因服溫補藥又妄自學吐納以致氣亂血熱

一嗽血消瘦膈間有一點氣梗痛似有一條系垂映在腰與小腹皆痛大率偏在左邊此肝部有

惡血也 滑石 枳殼 炒 酪黃丹 錢 炒 三黃連

紫胡 錢 五 紅花 錢 一 桃仁 兩 二 甘草 錢 生 二 為細末每

服錢半以蘿蔔汁煎沸服之有寒邪于干胸

中者宜發散之如紫蘊前胡杏仁防風桂枝

葛根之類

茯苓杏仁甘草湯 治胸痺胃中氣塞短氣

茯苓 兩 二 杏仁 兩 五 十 甘草 兩 一

水一斗煮五升溫服一升一日三服

橘枳姜湯 治同上

陳皮 斤 枳實 兩 二 生姜 斤 半 水 五 升 煮 二 升 分 溫 服

千金方 治胸痺氣滿壅心膈不利

枳實 兩 二 麩 炒 為 末 清 米 飲 下 二 錢

仲景薏苡附子湯 治胸痺緩急

苡仁 兩 五 大附子 個 為末每服方寸匕日三

旋覆花湯 治胸中嘈雜汪洋常覺冷涎泛上元

元欲吐飽悶

旋覆花 橘紅 半夏 茯苓 甘草

厚朴 芍藥 細辛 姜三片 水煎服

虫痛

虫本濕熱所生 臟腑虛則侵蝕

療寸白虫 錫灰 蕪荑 檳榔 極佳 宜和中 下人每覺

下心中多 嘈雜 意欲作飲 又疑虫漫依 此方 翠日

下長虫二條 一長二尺五寸 頭匾濶 尾尖銳 每

寸作二節 班如錦紋 一條皆寸斷矣

千金方云 勞則生熱 則生虫 心虫曰蛔 脾虫曰

寸白腎虫 如刀截 絲縷 肝虫如爛杏 肺虫如蚕

皆能殺人 惟肺虫為急 居肺葉內 蝕入肺系 故

成瘵疾 咯血 聲嘶 藥所不到 治之為難 道藏中

載諸虫頭皆向下行 惟自初一至初五日以前

頭上行 故服藥多取月出以前 蓋為此也

取寸白虫方

錫灰 兩 木鱉子 蘆會 二十 黃丹 十 輕粉 十

為末 猪膏油 九 桐子 大 先一日 食素 晚莫喫

飯 次早 五更 溫水 調下 分三服

又方 畫粉 蜜佗僧 各等分為末 每二錢用

麻油調服 空心下頃刻成涎取下

虫蠱之生由飲食不節傷飢過飽喜啖腥膻多食
生冷酷嗜麪藥愛食肥甘臟腑虛弱濕熱內淫
則生虫積也

三虫者謂長虫赤虫蛻虫也乃有九種而蛻人多
病之寸白虫從食牛肉飲白酒所成相連一尺
則殺人服藥下之盡出乃佳蛻虫多小兒患之
大人亦有令人口吐清汁心痛煩躁乍作乍止

其餘各種總不利于人胃中若有者宜化虫丸
速除之

腹內熱腸胃虛虫行求食上唇有瘡曰惑虫食其
臟下唇有瘡曰狐虫食其肛得此疾者十無一
生也

寸白虫上半月虫頭向上易治下半月向下難治
先以肉汁或糖蜜引虫頭向上然後用藥
集効丸

木香 鶴虱炒 檳榔 訶子 麵包 煨 蕪荑炒

附子炮去乾姜各七錢半大黃半兩烏梅十四個

兼咬右末煉蜜丸麻子大每三四十九陳皮湯或淡醋湯下

秘方萬應丸大人小兒腹內有虫及積氣塊痛

小兒疳病三稜莪朮各醋陳皮炒橘紅

史君子肉麥蘖麩炒神麩炒雷丸乾漆炒

盡各檳榔兩蕪荑二錢鶴虱炒胡黃連炒甘草

朝灸各木香良姜陳壁炒砂仁各二錢右末醋米糊

為丸菽豆大每三五十九空心淡姜湯下

靈礬散治小兒虫咬心痛欲絕

五靈脂末錢二白礬錢五

每服二錢水煎服不拘時虫出即愈

安虫散凡虫不可盡去宜安之

檳榔胡粉炒川練子核皮鶴虱炒各錢二

半右末每服一錢米飲調下

川練丸上中二焦虛或胃寒虫動作痛

乾漆炒雄黃五分巴豆霜錢一

右末麵糊丸黍米大看大小與服取東向石

榴根煎湯下痛者苦練根湯或蕪荑湯下

蕪蕪散 治諸虫作痛臨發時服

白蕪蕪去扇乾漆 各等分炒烟 為末每一錢米飲

化虫丸 治小兒疳虫五心煩熱

蕪蕪 黃連 神麴炒 麥蘗炒 各等分

右末麵糊丸黍米大空心米飲下

制虫制勞悅肌膚去勞熱

檳榔半一兩 龍膽草兩 乾漆錢五 為末煉蜜丸梧

桐子大每十九至十五丸滾水下

木香三稜散 腹中有虫面色痿黃一切積滯

黑丑半生 大腹子 檳榔 雷丸 錫灰炒醋

三稜煨 蓬朮煨 木香 大黃各一兩

為極細末每三錢空心蜜水調下或砂糖水

下須先將燒肉一片口中嚼之休嚥下吐出

口中肉汁後服藥

丹溪治蛔虫吐清水氣口刺痛取生艾汁隔夜勿

食次早五更以肥香脯方寸七先喫令虫聞香

隨即飲汁一升必下蛔虫丸胸喉中覺有虫上

下偏喜聞葱豉油食之香者兩三日不食開口

而卧將鼓煎葱油令香放口邊虫當自出引而去之但隨喜所物用之亦可
古有一人忽患一疾凡惡心則吐血數條後乃頻作累治不效每用殺虫藥則吐虫愈多招孫尚先生診之曰六脉皆細非虫也今雖吐虫乃臟寒而虫不安失居上膈因而吐虫出復用殺虫藥虫為藥所苦不能自安所以虫吐愈多也硫黃附子各一两為末粳米糊丸每服三十九飲下之五服後再不吐虫而痛亦止

仲景曰凡腹中痛其脉當沉弦今反洪大故有虫虫熱則生虫故脉洪大其脈大者其病大也
嘔吐噦門
生生子曰機要云有聲有物謂之嘔無聲有物謂之吐空嘔濁惡而聲長謂之噦要知噦屬陽而吐屬陰也無形者肺有形者胃以胃兼氣血言也又云上焦吐者為氣中焦吐者為食積下焦吐者為寒內經云食不得入是有火也食入復出是無火也有飽後逢怒或傷力跌撲以致痰

血積于胃脘者有膽虛及風痰作吐者有胃虛而虫行求食者有中氣虛弱者有風寒外襲者有鬱火作痛而吐者有傷酒而嘔吐者有脚氣發而吐者惟細心體認治之無不愈矣

東垣云大便閉者通利之陰虛邪氣逆上窒塞嘔噦不足之病此地道不通也正當用生地黄當歸桃仁紅花之類和血潤燥兼用甘草以補其氣微加大黃芒硝以通其閉大便利邪氣去則氣降嘔噦自不見矣復有胃中虛熱穀氣大虛

發而為嘔噦者但得五穀之陰以和之則嘔噦自止五穀皆屬陰或食或飲白湯或喜凉水皆能止嘔噦不必用藥也治嘔吐生姜半夏橘皮必用之聖藥但只治上焦氣壅表實之病若胃虛穀氣不行胸中閉塞而嘔者惟宜益胃推揚穀氣而已勿作表實以辛藥瀉之
東垣嘔吐噦分為三陽經云嘔吐噦者皆屬於胃
益胃者總司也以其氣血多少為異耳且如嘔者
於陽明也陽明多血多氣故有聲有物氣血俱也

仲景云嘔多雖有陽明症慎不可下
孫真人云嘔家多服生姜乃嘔吐之聖藥也氣逆
東者必散之故以生姜為主吐者太陽也太陽多
血少氣故有物無聲乃血病也有食入則吐有
食已則吐以陳皮去白主之噦者少陽也少陽
多氣少血故有聲無物乃氣病也以姜製半夏
為主故朱奉議治嘔吐噦以生姜半夏陳皮之
類究其三者之源皆因其脾虛弱或因寒氣飲
食所傷而致也宜丁香藿香半夏茯苓陳皮之

類若但只內傷宜察其虛實使內消之痰飲者
下之當分何經對症用藥不可亂也

嘔吐膈氣總論

潔古云吐有三氣積寒也皆從三焦論之上焦在
胃口上通天氣主納而不出中焦在中脘上通
天氣下通地氣主腐熟水穀下焦在臍下下通
地氣主出而不納是故上焦吐者皆從于氣
者天之陽也其脉浮而洪食已暴吐渴欲飲水
大便燥結氣上衝胸而發痛其治當降氣和中

中焦吐者皆從于積有陰有陽食與氣相假為積而痛其脉浮而弦其症或先痛而後吐或先吐而後痛治法當以小毒藥去其積積擱亦香和其氣下焦吐者皆從于地道也其脉大而遲其症朝食暮吐暮食朝吐小便清利大便秘而不通治法宜毒藥通其閉溫其寒氣大便漸通以中焦藥和之不令大便閉結而自安也右潔古論二焦吐蓋本黃帝所謂氣為上膈食飲入而還出為下膈食時乃反出之其上焦

食已暴出者今世謂之嘔吐也中下二焦朝食暮吐暮食朝吐者今世謂之膈氣反胃也今分嘔吐膈食為二門

仲景云諸嘔吐穀不得下小半夏湯主之

嘔家本渴渴者為欲解今反不渴心下有支飲故也小半夏湯主之

卒嘔吐心下痞腸閉有水眩悸者小半夏加茯苓湯主之胃反嘔吐者大半夏湯主之服前小半夏湯諸湯不愈者此胃虛當以甘益之立愈

治氣之劑

仲景陳皮湯 乾嘔手足厥者治宜辛散

橘紅四 生姜八 水七升煎三升溫服一升即愈

木香散

木香 檳榔 等分為細末以後桔梗湯調下

潔古桔梗湯 上焦氣熱上衝食已暴吐脉浮洪

宜先降氣和中

桔梗 白朮各半 半夏麴二 橘紅 枳實炒

茯苓 厚朴各一 每服一兩水煎調木香散二

錢隔夜空腹服之三服後氣漸下吐漸去然

後去木香散加芍藥黃芪一兩半同煎服之

病愈則止如大腑燥結食不盡下以大承氣

湯去朴稍微下之少利為度再服前藥補之

如大便復結又依前微下之

檳榔橘紅散 治嘔吐

白檳榔一枚 橘紅二錢 水煎服

治寒之劑

加減二陳湯 痰火為患嘔噦頭眩心悸中脘不

快發寒熱或食生冷脾胃不和並治

丁香兩半夏 陳皮兩各五 茯苓兩二 甘草兩一

每服四五錢姜三片烏梅一枚水煎熱服

治痰痞加草薤散一兩

藿香安胃散 脾胃虛弱不飲食嘔吐不時

藿香半錢 丁香 人參 各二 橘紅 錢五

每服二錢姜三片水煎服

東垣丁香吳茱萸湯 治嘔吐噦胃寒所致

丁香 甘草 茯苓 柴胡 半夏 乾姜 各五

分吳茱萸 草豆仁 蒼朮 黃芩 人參 各

錢 升麻 各當歸 半錢

每服五錢姜三片水煎食前熱服忌生冷

藿香平胃散 治嘔吐不止

藿香 厚朴 各一 半夏 甘草 各二 蒼朮 各三

陳皮 法兩 每服五錢姜三片棗三枚水煎溫服

羅太無紅豆丸 諸嘔吐逆膈氣反胃亦治寒濕

丁香 胡椒 砂仁 紅豆 各二

右末姜汁糊為丸皂角子大每十九以大棗

一枚去核填藥麵裹燒麵熟去麵細嚼白湯下食前進三服効

丁香附子散 膈氣吐食及下焦寒而奔豚上冲

黑附子炮去皮脂去丁香銘五楨榔一枚大硫黃祛胡椒

銘二右先將四味為末次入硫黃再研勻每服

二錢用蠅蝠一箇去翅足腸肚填藥在內用

濕紙五七重裹定置慢火內燒熟取出細嚼

用溫酒送下一日三服米飲送下亦可

仲景吳茱萸湯 治嘔而胃滿者

吳茱萸湯泡一人參三分生姜半兩大棗枚水煎

治火之劑

蘆根湯 熱而嘔吐不止及治惡阻

蘆根取土中新白者半斤水二碗煎一碗熱服

竹茹湯 治胃熱而嘔

乾葛 半夏各三錢甘草二錢

每服五錢姜片竹茹半錢棗一枚水煎溫服

昔有人病傷寒得汗後數日忽嘔吐藥食俱不得

下醫皆進丁香藿香滑石等藥下咽即吐後以

此竹茹湯與之即愈

枇杷散 治嘔吐利膈氣止嘔呃又治卒嘔吐不

食單煮枇杷葉汁飲之此物味苦平下氣

枇杷葉 人參 半夏 各一 茯苓 茅根 各二

丹溪治膈上有熱胃中有痰二陳湯加炒梔子黃

連生姜主之嘔而發熱者小柴胡湯主之溫膽

湯治嘔吐不下飲食極妙

仲景青鎮丸 治寒熱往來脉弦嘔吐頭痛即小

柴胡湯加青黛以姜汁打糊為丸白湯下

劉河間治暴吐上焦氣熱所冲經曰諸嘔吐酸暴

注下迫皆屬于火脉浮而洪者荆黃湯主之

荆芥 一人參 錢五 甘草 二錢 大黃 二錢

右水煎調檳榔散二錢空心服

檳榔散 檳榔 二錢 木香 半錢 輕粉 少許

右為細末同煎藥下如欲作丸子用蒸餅

下糊為丸小豆大每二十丸食後服

治瘀血之劑

香靈丸 又名六丁丸 治嘔吐如神及產後嘔不止者

丁香 辰砂 錢六 五靈脂 兩 右香脂先研末後

入砂再研勻用狗膽汁或猪膽汁為丸雞頭

治痰血獨以五靈脂狗膽汁為丸雞頭子大每服

一丸生薑湯磨下及生薑酒送下極熱服

草靈丹 五靈脂 姜汁煮透 甘草 燒酒煮透

焙乾為末每服五分置掌中用舌舐下此方

治膈氣反胃嘔吐梅核氣及胃脘疼痛効

治虛之劑

丹溪云久病嘔者胃虛不納穀也

生姜 人參 黃芪 白朮 香附 治之類

李澤治反胃嘔吐無常粥飯入口即吐困倦無力

垂死者以人參三兩作一服水煮熟頓服愈

理中湯 治脾胃虛寒嘔吐不食

調中湯 治脾胃虛弱嘔吐

治中湯 治霍亂吐瀉 即理中湯加橘紅

六君子加砂仁治脾胃虛弱惡心欲吐及不思食

治積氣之劑

遇仙丹 木香枳榔丸 枳實導滯丸 七聖丸

皆可選用

治風痰之劑

金花丸 吐食而脉弦肝乘脾也由脾胃之虛宜

治風安胃 半夏湯泡 檳榔二錢 椎黃一錢

右末姜汁浸餗餅糊為丸桐子大小兒另丸

姜湯下從少至多漸次服之以吐止為度風

痰羈絆於脾故飲食不下也

治水飲之劑

小半夏湯 治嘔吐穀不得下者

半夏一斤 生姜半斤 水七升煮取一升半分溫再服

小半夏加茯苓湯 治卒嘔吐心下痞腸閉有水

眩悸者即前方加茯苓四兩

大半夏湯 治胃反嘔吐服前小半夏湯諸藥不

愈者此胃虛宜以甘益之服此立愈

半夏一斤 人參二斤 白蜜一斤 右水一斗三升和蜜揚

之二百四十遍煮藥取三升從服一升餘分再服

猪苓湯 治嘔吐而病在膈上後思水解急與之
思水者此湯主之 猪苓 茯苓 白朮 各等
為末飲調方寸匕日三

大半胃風

胃風之症治嘔愈嘔者是也 用川烏一兩洗淨去
小皮臍不去尖以漿水一碗煮乾每枚切作二片
復用漿水一碗煮盡更切作四片每細嚼一片
以少溫水下少頃嘔遂止此皆好食甘甜之物
膏梁之味積久成熟因而生風非一朝一夕之
故也

雜方碧霞丸

治吐逆立效

黃丹四兩篩過用好米醋半斤用藥入銚內煎
乾却用炭火三斤就銚內煨透紅冷取出研細
末用粟米飯搗為丸梧子大煎醇湯下七丸効
木瓜湯 主嘔啞風氣又吐而轉筋者煮木瓜汁
飲之甚良此酸收之劑欲吐不吐者是也

惡心

丹溪云惡心有熱有痰皆用生姜隨症用藥
仲景生姜半夏湯治胸中似喘不喘但嘔不嘔

似噦不噦徹心中憤然無柔者

半夏一斤半 生姜一斤 右二味以水三升煮半夏

取二升內生姜汁同煮二升半少冷分四服

日三夜一如病止住後藥 此濕痰症也

東垣茯苓半夏湯 胃風虛弱身重有痰惡心欲

吐是邪氣羈絆于脾胃之間當先實其脾胃

炒麴三錢 大麥芽五錢 陳皮 天麻各二錢 白朮

茯苓 半夏各一兩 每五錢姜五片煎熱服

柴胡半夏湯 治舊有風症不敢見風眼溢眼黑

胸中有痰惡心兀欲吐但遇風覺皮肉緊手足難舉動重如石若在暖室少出微汗其症隨減再遇風病復如是方見痰門

嘔苦水

丹溪治一婦人清早嘔苦水脉瀼而微起轉如常

此胃弱而上腕有濕

黃芩七錢 滑石 蒼朮炒 陳皮 山查 半夏各

桔梗五錢 飛礬二兩 姜水煎服

二陳湯加山梔子一倍黃連減半香附撫芎白豆

仁煎服或臨服時磨檳榔末少許治鬱火惡心

嘔沫及胃症沫大吐者多

仲景治乾嘔吐逆吐涎沫半夏乾姜散主之

半夏乾姜各等分二味為末取方寸匕漿水

一升煎七合頓服之

嘔膿予一族嫂中年患此半載咳嘔膿血後竟無事此亦肺癆症也膿盡即愈

仲景云嘔家有癰膿不可治嘔膿盡自愈

嘔長虫

丹溪治吐虫用黑錫灰檳榔末米飲調下

仲景治魀厥當吐魀今病靜而復時煩此為臍寒

魀上入膈故煩須臾復止得食而嘔又煩者聞

食臭出其人當自吐魀

魀厥者烏梅丸主之又主痢方在厥證門

傷酒嘔吐

東垣葛花解醒湯方見傷飲門

益元散姜汁為丸治酒熱嘔惡殊驗

乾姜丸治酒癖成飲吐酸水

乾姜 葛根 枳殼 橘紅 前胡 各五 半夏

麴 白木 酪乙 吳茱萸 甘草 錢各半

右末煉蜜丸 桐子大 每三十九丸 米飲下

嘔吐清水

許學士神木丸 治嘔吐清水如神

蒼朮 一斤 去皮切片 為末 用白芝蔴半兩 水二

盞 研瀝取汁 大棗十五枚 煮爛 去皮核 以芝

蔴汁 研勻 成稀膏 搜和 入白搗熟丸 如桐子

大 每空心 溫湯下 五十九 加至百丸 忌桃李

雀 初服時 膈上微燥 且以茅朮製覺燥甚

再進山梔子散 一服 久之 不覺燥也

山梔散 山梔一味 乾之 為末 沸湯點服

仲景茯苓散 治心膈中有停痰宿水 自呷出水

後心膈間 虛氣滿 不能食 消痰氣 能飲食

人參 白木 茯苓 枳實 陳皮 生姜

兩 右水煎 溫服 如人行九里許 又進之 三服

丹溪治 兩手脉弦 飲後 嘔清水

神麴 蒼朮 香附 益元散 半夏 錢

右末 姜汁 浸 餅為丸

丹溪治一人年四十因灸火太多病腸內下血
糞肚痛今痛自止善嘔清水食不下宜清胃口
之熱黃芩甘草茯苓各五分陳皮地黃
錢各一白木連翹各半姜三片水煎服
仲景治渴欲飲水水入則吐各水逆五苓散主之
千金方治痰飲吐水無時節者其原因冷飲過度
遂令脾胃氣羸不能消于飲食飲食入胃則皆
變成冷水反吐不停皆用赤石脂散主之
赤石脂一斤研細末每服方寸匕酒飲調下時

稍加至三七服盡一斤終身不吐痰水又不
下痢補五臟令人肥健有人痰飲服藥不愈
用此方愈經云諸病水液澄徹清冷皆屬于寒是也
白薑散治胃口寒作吐及作痛者
白草仁三錢為末酒送下効
噎膈
內經陰陽別論篇曰三陽結謂之膈結謂熱結也
三陽者小腸膀胱也小腸熱結則血脉燥膀胱
熱結則津液涸故隔塞而不便焉其始也或由

飲食不節痰飲停滯或因七情過用脾胃內虛
 而作或者不察悉指為寒例用香熱之藥治之
 反動七情之火脾胃之陰反有所耗是以病日
 益深今治此疾或見咽嗌閉塞胸膈痞悶似屬
 氣滯然有服耗氣藥過多中氣不運而致者當
 補氣而自運有大便燥結如羊屎者似屬血熱
 然有服通利藥過多致血耗竭而愈結者補血
 潤血而自行有因火逆冲上食不得入其脉洪
 大有力而數者有痰飲阻滯而脉結澀者當清

痰泄熱其火自降又有脾胃陽火衰弱其脉沉
 細而微者當以辛香之藥溫其氣仍以益陰養
 胃為之輔可也大槩又有寒熱之辨若食已即
 吐者火也食久始吐者寒也王註曰食不得入
 是有火也食入復出是無火也按內經王註曰
明二陽也大陽三陽也一陽膽與三焦二陽也陽
小腸與胃三陽小腸膀胱張子和乃曰三陽者木
言不知從何所據耶
 傷寒論云食入反吐穀不得前者腎水乾也王冰
 曰病嘔而吐食久反出是無水也此與內經病

能篇註異

氣厥論云膈中陽氣與寒相薄故隔食而陽氣不通此論亦云陽與寒相薄未嘗專主于寒也丹溪曰大率屬血虛氣虛有痰血虛者脉必數而無力氣虛者脉必緩而無力有痰者脉必沉或伏而大又有氣滯結者寸關沉而澹又有擊跌內積瘀血忽然嘔吐食不能納者其脉必乾張鷟峰曰噎當是神思間病惟內觀自養庶或可安又曰噎生于血乾血陰也陰主靜內外兩靜

則臟腑之火不起而金水二臟有養陰血自生腸胃津液傳化合宜何噎之有

古方用人參以補脾御米以解毒竹瀝以清痰乾姜以養血粟米以實胃蜜以潤燥姜以去噦有氣結者用開導之劑有陰火上炎者作陰虛治有積血者當消息去之

糞如羊屎者不治五十以上者不治口中多出白沫者不治

治法大槩用童便韭汁姜汁竹瀝牛羊乳氣虛入

四君子湯血虛入四物湯切不可驟用辛燥之藥宜薄滋味宜用乾蒸餅等物少用湯粥六節截象云人迎四倍以上為格陽蓋陽上之極故格拒而食不得入金匱云病人脈數為熱當消穀引飲而反吐者以發其汗令陽微膈氣虛脈乃數為客熱不能消穀胃中虛冷故也脈弦者虛也胃氣無餘朝食暮吐變為胃反寒在于上醫反下之今脈反弦故名曰虛

跌陽脈浮而濇浮則為虛濇為傷脾傷則不磨朝食暮吐暮食朝吐宿穀不化名曰胃反脈緊而濇其病難治氣虛胃反右手脈無力者四君子湯加蘆根以伏龍肝浸長流水澄清煎之臨服入童便韭汁牛羊乳入黑麩尿和服以防其生虫參苓白朮散錢氏白朮散皆治中氣虛弱胃反血虛胃反左手脈無力者以四物湯加童便或再

赤水云朱 五卷

加桃仁紅花有酒積加甘蔗汁

二陳湯合平胃散治有痰而胃反者

人參利膈丸治胸中不利痰嗽喘滿而膈

木香錢各七檳榔錢各七人參錢各七川歸錢各七藿香錢各七

甘草兩各一枳實兩各一大黃酒浸厚朴各二

右末滴水丸梧子大溫水送下

千葉白木槿花陰乾為末陳皮湯調下三五口不轉再服

奇方未出毛啄木鳥蝙蝠小鮎鴨魚三味入

新瓦內鹽泥固濟煨存性為末外用狗寶為

末和勻每服五七分漸至一錢姜湯下

又方陳蜆殼燒灰米飲下

老牛涎如棗核大水中飲之終身不復噎

又方茅根各二水鍾者二鍾頓服之良

姜附散膈氣不通胸膈間結塊大如拳堅如石

嘔吐惡心飲食不下

香附子一斤生姜三斤搗取汁浸香附一宿晒乾再

浸再晒以姜汁盡為度為末每二錢米飲下

示火...

病機紫沉丸 治中焦吐食由食積與寒氣相格

故吐而痛 半夏麴 代赭石 砂仁 各三錢

杏仁 沉香 木香 白木 烏梅仁 各一錢

美丁香 檳榔 各二錢 陳皮 五錢 巴豆霜 另肉果 各五分

又右末醋糊丸黍米大每五十九柿霜湯下愈

東垣厚朴丸 主反胃吐逆飲食噎塞氣上冲腹

中諸疾藥味即與萬病紫沉丸同

厚朴 蜀椒 去目川烏 炮去皮各一兩半 紫苑 吳茱

萸 柴胡 芎藭 桔梗 茯苓 官桂

皂角 去皮乾姜 炮人參 各二兩 黃連 半兩 巴豆霜

五右蜜為丸桐子大每服三丸漸加至五七丸

以利為度姜湯下食後而卧此丸治効與局

本方温白丸同及治處暑已後秋冬下痢大効

加減法 春夏加黃連 二兩 秋冬再加厚朴 二兩

如治風於春秋所加黃連厚朴外更加芎藭

茯苓各一兩半 如治風痛不愈者依春秋

加藥外更加人參芎藭茯苓各一兩半 如

心之積加芎藭茯苓為輔 如肝之積加柴

胡蜀枹 如肺積加黃連人參 如脾積加
 茱萸乾姜 秋冬久瀉不止加黃連茯苓
 脾胃氣弱食不消化 嘔逆反胃湯飲不下用粟
 米半升為粉水九梧子大煮令熟點少鹽空
 心粉汁吞下
 本事云 馱尿極治反胃外臺載昔幼年經患此疾
 每食餅及羹粥 頃臾吐出 貞觀中許奉御兄弟
 及柴蔣等時稱名醫奉勅令治醫竭其術竟不
 能療漸至羸憊死在旦夕忽有士云馱尿極驗

旦服二合後食唯吐一半 哺時又服二合人定
 時食粥吐則便定後奏知大內中五六人患反
 胃同服一時俱瘥此藥稍有毒服時不可過多
 盛取熱服二合病深者日服之良驗 本草云馱尿治癥瘕
反胃及云性冷味甘服之不生虫
 濟世方 馱尿調平胃散亦效
 新瓦散 治反胃用多年瓦一片燒紅入馱尿內
 淬二十一次研末倉米飯焦為末二分飯末下
 十分瓦末蠟精和飯丸以馱尿和平胃散服之

丹溪番胃方

黃連三錢 姜汁炒 山查肉一錢 保和末六錢 右粥丸桐

子大以人參湯入竹瀝再煎沸熱下六十九

本事大黃湯 治冷涎番胃其症欲發時先流冷

涎次則吐食此乃勞証治不早死在旦夕用大

黃一兩生姜自然汁半茶盞灸大黃令燥又淬

入姜汁內如此淬汁盡切焙為末每服二錢陳

米一撮葱白二莖水一大盞煎七分先食葱白

次服藥不十日即除根

羅太無云 玄明粉稍提八九次入瓦罐煨其煨

過淨硝一斤入甘草末一兩和勻名曰玄明粉

每用一二錢桃花湯或葱白湯調下治膈上氣

壅滯五歲秘結邪熱 忌魚及藕

丹溪治番胃積飲通用益元散生姜自然汁澄清

白脚丸小丸子時服 治番胃用吳茱萸貝

母瓜蒌根牛膝草

本事治積聚停飲痰水生虫久成反胃及安為胃

癰其說在靈樞及巢氏病源芫花丸

芫花醋炙 牛膝 狼牙根 桔梗炒 藜蘆炒

檳榔各五錢 巴豆炒大粒 右末醋糊丸如赤豆大

每服二三丸加至五七丸食前姜湯下

此方常服化痰消堅殺虫予患飲癖三十年

暮年常是多雜痰飲來潮遲即吐有時飲半

杯酒即止蓋合此症也因讀巢氏病源論酒

癥云飲酒多而食穀少積久漸瘦其病常欲

思酒不得酒則吐多睡不復能食是胃中有

虫使然名為酒癥此方治之要之須痛禁酒

則易治不禁無益也

羅太無桂香散 治膈氣反胃諸藥難瘥朝食暮

吐甚者食已輒出其効神速以重劑也

水銀 黑錫各三錢 硫黃五錢 右三味銚內用柳木

搥熬研微火上細研為灰取出後用丁香末

二錢桂末二錢生姜末三錢都一處研令勻

每服三錢米飲調下一服効甚者再服神効

又云男婦小兒遠近番胃吐食或有汚血停蓄胸

膈者方用五靈脂一味為末以黃狗膽汁為丸

龍眼大每服一丸好酒半盞溫服不止再服即效
丹溪治東陽王仲延咽膈間常覺有物悶每食
物必屈曲自膈而下且梗滯作微痛食亦減他
無所苦予脉之右甚濇而關甚沉左却和予曰
汚血在胃脘之口氣因而鬱為痰此必食物所
致明以告我彼不自覺予又曰汝去冬好食何
物為多曰我每日早必單飲點剝酒兩三杯逼
寒氣為製下方用生韭汁半盞令細呷之一日
三服盡韭二斤而安

濟世方 治噎食

治雞腹內穀袋不拘多少不可失包內物一粒用
泥固濟火煨存性用姜汁炒香附末半兩配穀
袋一箇為末神麩糊為丸姜湯送下
治氣壅不下飲
枇杷葉去毛 青皮 陳皮去
開石等分每服三錢生姜五片水煎服
金匱玉函 五噎心膈氣滯煩悶吐逆不食
木蘆根五兩剉水三大盞煮二盞溫服

示人 五卷

永徽中有僧惟則病噎不能食罵諸弟子曰吾死
 後便可開吾胃喉視有何物甘經而卒弟子果
 開喉胸中得一物形似魚而有两頭遍體皆肉
 鱗弟子置碗中跳躍不止戲以諸味皆隨化盡
 合時夏中盛藍作漱適有一僧以漱置碗中此虫
 遂逸碗而走須臾化為水此乃虫瘕非噎比因
 此後人多以藍治噎候矣然亦相本洋山
 秘方潤腸膏治膈噎大便燥結飲食良久復出
 及朝食暮吐暮食朝吐其功甚捷

新取葳靈仙四兩生薑四兩真麻油二兩白沙蜜
四兩右四味同入銀石器內慢火熬成膏
時以匙挑食之良驗
 權黃二豆丸 治番胃噎食神驗
 大烏梅二十枚取肉水硃砂雄黃各二錢乳香一錢
 真百草霜 黑豆 菘豆各四粒
 右五味為細末烏梅肉搗丸彈子大每服一
 丸噉化待一炷香時藥力方行烙白麩餅一
 枚清熱湯泡開吃之無碍為妙設仍有微碍

赤水滋珠

五卷

九

一二日後再噉下丸三五丸除根

紫蘓子飲

欬逆上氣噎膈因怒氣叫喊未定便

挾氣進飲食或飲食甫畢使用性恚怒以致食

與氣相逆氣不得下或咳嗽不透心氣逆惡心

蘓子炒訶子煨去核蘿蔔子微炒杏仁去皮尖

人參錢各一木香錢半青皮錢各甘草錢各

右分二服生姜三片水煎服

太倉丸

脾胃虛弱不思飲食番胃不食亦宜服

破仁各二白豆仁各二陳倉米一升用朝東向陽

右末生薑自然汁九桐子大每服百丸淡生
姜湯下

體仁彙編曰硫利結成砂子吐逆立痊方用嚴氏

青金丹治一切吐逆

水銀錢八生硫黃錢一為末入鉢內慢火化開以

柝木棍攪炒或有烟焰以醋沃之結成砂子

再研為末用粽尖杵和丸菘豆大每服三十

丸生薑陳皮煎湯送下

青囊治反胃久藥不效及小兒吐不止者硫黃五

錢為末入水銀二錢半同研無星為度每服二錢先取生姜汁酒一盞煎熟調藥空心服調時逐漸著酒緩調令勻服訖以被蓋出汗安

又曰人參治番胃之良用入參二兩拍破每服一兩水一鍾半煎四分熱服兼以人參汁煮粥吃愈有入患番胃諸方不瘥只服人參而愈若卒嘔吐逆九粥飲入口即吐困弱為九服良

劉宗厚曰按古治番胃諸方悉是香燥大熱之藥皆不足為法今姑採一二方以備用耳至于

丹溪所言補血益陰潤燥和胃調中等藥雖無其方自宜隨証設施觀其立論則思過半矣

治噎禁方

皂角黃 三分每春夏雨右 蘆根 浮露水上 橘紅 樹上生如菌樣

烏藥 錢一 桔梗 錢二 枳實 分八 水 二鍾煎一鍾先

服一酒杯漸加之渣再煎

生生子曰噎膈之病氣鬱居多然亦有陰血不足者少壯之人日以酒色是耽胃中之火沸騰則上焦肺金先受邪矣金主降令者也火凌于肺

津液成濁况又下竭腎水將何攝伏其火以下
行耶經曰大使者腎之所主陰血既虧則大便
燥結則下焦閉而氣反上冲經曰幽門不通
上冲吸門又曰肺出氣腎納氣虛則失司乃職
是有陽而無陰有升而無降也故守真子和丹
溪皆以火熱而言戒用剛燥其意深矣然用藥
必假滋陰潤燥為主陰血生則大便潤則下
焦開則氣降腎司職而病尋愈矣噫用藥之
法固為詳悉然人不能銖石其痛斷酒色則雖

日飲瓊漿亦莫能以致其生也予特附于篇末
俾病者自加珍重孰非愈病之藥石耶

腰痛門

腰痛有腎虛有濕熱有痰有氣滯有跌撲瘀血
脉大而無力為虛弦為陰虛瀉為死血沉滑為痰
沉細為氣濡弱為濕緊數為風
東垣曰大抵寒濕多而風熱少然有房室勞傷腎
虛腰痛者是陽氣虛弱不能運動故也經曰腰
者腎之腑轉搖不能腎將敗矣宜腎氣丸茴香

九之類以補陽之不足也膏梁之人久服湯藥
醉以入房損其真氣則腎氣熱而腰脊痛不能
舉久則髓減骨枯發為骨痿宜六味地黄丸滋
腎丸鳳髓丹之類以補陰之不足也

丹溪曰久痛必用官桂以開之方止腹脇痛亦然
煨腎丸肝腎脾損穀不化治宜益精緩中消穀
腰不起者神效

川萆薢 杜仲姜汁炒 牛膝 破故紙 芦芭
兔絲子 肉蓯蓉 沙苑蒺藜各一兩 桂心兩

右酒煮猪腰子為丸桐子大每服五七十九
入空心鹽酒送下

金剛丸 腎損骨痿不能起床

川萆薢 杜仲炒 照前法丸服

麋茸丸 腎虛腰痛不能轉側

麋茸一兩鹿茸亦可 兔絲子一兩 舶上硫黃五錢

右末以羊腎二對酒煮爛去膜研如泥和丸
梧子大陰乾如羊腎不敷入酒糊佐之每服
三五十九溫酒或鹽湯下

鹿角散 新角刮去黑皮取白者炒黃為末酒服
 一錢日進三服禁生魚餘不禁陳者不用角中
 心黃亦不用此方治腰痛神效東垣曰鹿角能去惡血
 羊腎散 羊腎為末酒服一錢日進三服本草云
 羊腎補腎氣益精髓
 腎氣丸 茴香丸 青娥丸 已上皆補陽之不
 足也
 八味丸 治虛勞小腹拘急小便不利此則陰陽
 兼補也

六味地黄丸 虎潛丸 滋腎丸 大補丸
 已上皆補陰之不足也
 治陰虛脉大者
 杜仲 龜板 黃柏 知母 枸杞子 五味
 子 等分為末以猪脊髓為丸每服五七十丸
 空心鹽酒送下
 補腎丸 治腎虛腰痛効
 烏藥葉 本草云烏藥嫩葉補中益氣 側柏葉
 照右酒蒸晒乾為末粥丸梧子大照前服

腰腿濕痛方

龜板酒炙五錢

黃栢酒炙四錢

青皮三錢

甘草生一錢半

右末研姜一大片次入藥末一錢研細以蒼

耳汁煎令沸服

治陰虛性急腰痛者

龜板

黃栢

知母

側栢

右為末地黃膏為丸

治濕熱腰腿疼痛

龜板酒炙二兩

黃栢酒炙

蒼朮酒炙

蒼耳子各一兩

側栢半兩

各一兩

葳靈仙酒浸二兩

右以牛膝膏為丸

以黑豆汁蒸

四物湯加陳皮生甘草生姜一片煎吞下

又方 治腰腿疼痛

龜板半兩

黃栢

白芍藥

陳皮

知母

蒼朮

蒼耳子

為末

蜜丸服

葳靈仙

蒼朮

蒼耳子

為末

蜜丸服

治濕熱腰痛大便瀉

龜板酒炙一兩

楮皮炒

蒼朮

滑石

芍藥

酒浸

香附各四錢

為末

粥丸如肉傷白朮中查湯下

香附

為末

粥丸如肉傷

白朮

中查湯下

東垣蒼朮湯

治濕熱腰腿疼痛

蒼木三錢去濕止痛柴胡二錢行絡防風 黃栢各一錢

水煎空心服

陳無擇牛膝酒 治傷風毒攻刺腰痛不可忍

牛膝 川芎 羌活 地骨皮 甘草 薏苡

仁各一兩海桐皮二兩生地黃十兩 俱以絹袋盛入

好酒二斗浸二十七日夏三五日每服一杯

又六日三四服常令酒氣不絕為佳一法入桂仲

治痰痛以二陳湯加天南星川栢蒼木葳靈仙類

丹溪治老人因跌撲腰痛

蘓木一錢歸身頭 陳皮各一錢 人參 黃芪

木香 木通各五分 桃仁九枚

煎湯送下自然銅末子五分

脉瀉者有瘀血也用熟大黃湯治墜墮閉剝腰痛

不能屈伸 大黃剉如指大 生姜切片各半兩

二味炒令焦黃以水一鍾浸一宿五更去渣

服天明取下如鷄肝者即惡血也

治食積腰腿痛

龜板酒炙側栢葉酒炒香附五錢白芥子 凌霄花一錢

半右酒糊丸以下四物湯加陳皮甘草山查莪朮
青皮煎湯下

痰積食積指下有力或沉滑有力皆宜下之

治腰痛用葳靈仙此治痛之要藥為細末每服二

錢以猪腰子一枚批開糝藥在內濕紙煨熟五

和更細嚼熱酒下

千金方用葳靈仙一錢溫酒送下逐日以微利為

度病人稍虛者禁用

治腰痛不可忍

一人卷 黃

牽牛不以多少研取頭末去渣取大蒜每瓣
切開入巴豆一粒在內外用濕紙包定火煨令
蒜熟去巴豆將蒜細研和牽牛末為丸梧子大
每服五丸醋湯或茶空心送下量虛實服
藥棋子 治腰痛氣滯者

黑牽牛不拘多少以新瓦火燒赤便以牽牛倒
在瓦上自然一半生一半熟不得攪動取頭末
一两入硫黃一分同研勻分三服每用白麵一
匙水和捏如棋子樣五更初用水一盞煮熟送

下痛住即止未住明日五更再服
 許學士曰予嘗有此疾每發只一服痛立止
 按此三方皆濕熱痰氣壅滯不能流通故痛
 猛而用藥峻也此樣方法亦不可無但看病
 虛實用之

獨活寄生湯 治腎虛弱卧冷湿地腰腿拘急筋
 骨攣痛或當風取涼過度風邪流入脚膝為偏
 枯冷痺緩弱疼痛
 獨活 杜仲 牛膝 細辛 秦艽 茯苓

桂心 防風 川芎 人參 甘草 桑寄生
 各一當歸 熟地 各二 一方加續斷三兩
 每服三錢姜五片水煎食前服
 上海藏防風湯 治傷寒後腰痛或皮肉痺及腿
 膝疼痛行步艱難不能悅仰
 防風 川芎 附子 炮當歸 芍藥 羌活
 續斷 各一 麻黃 去節 桂枝 去皮 杜仲 炒 各七錢 牛膝 五
 加皮 丹參 各五 每五錢姜二錢煎食前服
 此三方皆治寒濕之劑也

東垣川芎肉桂湯 臥寒濕之地腰痛不能轉側
 兩脇痛急作痛月餘不愈腰痛論中所說皆為
 足大陽足少陰血絡中有凝血作痛間有一二
 疝屬少陽膽絡外絡病皆宜去血絡之凝乃愈
 羌活一錢 柴胡一錢 肉桂一錢 蒼木一錢 歸稍 甘草炙
 川芎各一錢 獨活各一錢 麴炒各五分 防風各五分 防已各三分
 桃仁五箇 去皮正水酒煎食遠熱服
 陳無擇曰小續命湯加炒桃仁治風腰痛最妙
 五積散加菝仁治寒濕腰痛

東垣羌活勝濕湯 治脊痛項強腰似折項似拔
 此足太陽經不行也
 羌活 獨活 藁本 防風各一錢 蔓荊子三分
 川芎二分 甘草炙五分 水二鍾煎溫服
 若身重沉然乃經中有濕熱也此方加黃
 柏一錢太附子五分蒼朮二錢
 予嘗治一人腰下濕中宮有痰腰痛而小便濁
 身重如山乃以二陳湯合五苓散以蒼朮換白
 朮加羌活服之效有熱再加黃柏木通

陳無擇桃仁酒 腎虛風勞所傷毒腫掣痛牽引
小腹連腰痛桃仁麩皮炒去皮尖研細每服一
錢熱酒調下出汗即愈

東垣地龍湯 腰脊痛或打撲傷損後高墜下惡
血在太陽絳中令人腰膝痛或脛膈臂膊中痛
不可忍鼻壅塞不通

中桂 分四 桃仁 分六 羌活 錢二 獨活 錢二
麻黃 分五 地龍 乾者 分四 焙 蕪木 分六 歸尾 錢一
每服五錢水煎食遠熱服

橘核酒 治打撲腰痛瘀血積蓄痛不可忍

用橘核炒去皮研細每服二錢酒調下或用猪
腰子一枚去筋膜破開入桑同葱白茴香鹽以

濕紙包煨熟爵下溫酒送之已上三方皆該入
前打撲瘀血條下
摩腰丹 治老人腰痛及婦人白帶

附子尖 烏頭尖 天南星 各一錢半 硃砂 樟腦
丁香 各一錢半 乾姜 錢一 射香 分三 椎黃 半錢 為末煉蜜
丸如圓眼大臨用以生姜汁化開如厚糊樣
火上烘熱抹掌上擦腰中候藥盡貼腰上即

蘇州府志

五卷

李

姜三片煎食前服

半豆

白

姜

煎

大宮詹少溪吳馭閣校

與个卷白木蘇林半夏葉漸痛又并以理


世藥之氣味其功其用其效其文曰

遠末酥酒可

蘇蘭 效藥 正以史 瑞變

補蘇林 准香 如如 山宜 古世終





大正九年
五月

片岡

大正九年

